

Inuit Pisinnatitaaffinut Kalaallit Nunaata Siunnersuisoqatigiivi pillugit Inatsisartut inatsisaat

Kapitali 1

Pilersinneqarnerat siunertallu

§ 1. Inatsisartut inatsisaatigut matumuuna siunertaavoq, Naalagaaffit Peqatigijit Parisimi tunngavissiaat nunani inuit pisinnatitaaffinik suliffeqarfinnut atuuttut naapertorlugin, Inuit Pisinnatitaaffinut Kalaallit Nunaata Siunnersuisoqatigiivinik pilersitsinikkut Kalaallit Nunaanni inuit pisinnatitaaffi siuarsarneqassasut illorsorneqarlutilu.

Imm. 2. Inuit Pisinnatitaaffinut Kalaallit Nunaata Siunnersuisoqatigiivi Kalaallit Nunaanni inuit pisinnatitaaffi pillugit ataatsimut isigalugu ilisimasanik piginnaasanillu annertusaanermut suleqataassapput.

Imm. 3. Inuit Pisinnatitaaffinut Kalaallit Nunaata Siunnersuisoqatigiivi kiffaanngissuseqarput.

Kapitali 2

Suliassaat

§ 2. Inuit Pisinnatitaaffinut Kalaallit Nunaata Siunnersuisoqatigiivisa suliassaraat Kalaallit Nunaanni inuit pisinnatitaaffisa siuarsarneqarnissaat illorsorneqarnissaallu pingartumik:

- 1) Kalaallit Nunaanni inuit pisinnatitaaffeqarneranni pissutsit pillugit nakkutilliinermut nalunaaruteqartarnermullu peqataanermikkut,
- 2) Inuit pisinnatitaaffinut tunngassuteqartunik naliliisarluni misissuinernik ilisimatusarnergillu suliaqarnissat oqallisigisarnerisigut,
- 3) Inuit pisinnatitaaffi pillugit Inatsisartunik, Naalakkersuisunik pisortanilu oqartussaasunik allanik aamma namminersorlutik suliaqartunik siunnersuisarlutik,
- 4) Inuaqatigiinni inuinnaat inuit pisinnatitaaffinik suliaqarnerannut ataqatigiissaarineq ikuuttarnerlu siuarsarlugit,
- 5) Inuit pisinnatitaaffinik ilinniartitsineq tapersensorlugu siuarsarlugulu,
- 6) Inuit pisinnatitaaffi pillugit paassisutissiissutinik ingerlatitseqqittarnermut peqataassallutik,
- 7) Kalaallit Nunaanni inuit pisinnatitaaffisa nukitorsarneqarnissaannut suliassanik siunnersuiteqartarlutik aamma
- 8) Kalaallit Nunaanni inuit pisinnatitaaffinut tunngassuteqartunik maannamut suliarineqarsimasut ingerlasimanerat nalilersortarlugu.

Imm. 2. Inuit Pisinnatitaaffinut Kalaallit Nunaata Siunnersuisoqatigiivisa ilaasortamik akornannit Institut

for Menneskerettigheder - Danmarks Nationale Menneskerettighedsinstitution-ip siulersuisuinut ilaasortassaq toqqartassavaat.

Kapitali 3

Siunnersuisoqatigiit ilaasortalersugaanerat, aqunneqarnerat allattoqarnerallu

Siunnersuisoqatigiit ilaasortalersugaanerat

§ 3. Inuit Pisinnaatitaaffinut Kalaallit Nunaata Siunnersuisoqatigiivi imatut ilaasortalersugaassapput, isummat inuiaqatigiinni inuinnaat soqutigisaqaqatigiiffiini inuit pisinnaatitaaffiinik suliaqartuni atuuttut siunnersuisoqatigiinni takuneqarsinnaassallutik. Taamatuttaaq pisortanit oqartussaasut immikkut attuumassuteqartut siunnersuisoqatigiinnut ilaasortaatitaqassapput.

Imm. 2. Inuiaqatigiinni inuinnaat soqutigisaqaqatigiiffi pisortallu suliffeqarfii uku tamarmik Inuit Pisinnaatitaaffinut Kalaallit Nunaata Siunnersuisoqatigiivinut ilaasortassamik ataatsimik toqqaasinnaapput:

- 1) Meeqqat Inuunerissut – MIBB.
- 2) Nanu – Nanubørn.
- 3) Kalaallit Nunaanni Illersuisut Peqatigiiffiat.
- 4) Nunatsinni Advokatit.
- 5) Kalaallit Nunaanni Sulisitsisut Peqatigiiffiat – GA.
- 6) Kalaallit Nunaanni Innarluutillit Piginnaanikitsut Kattuffiat – KNIPK.
- 7) Inuit Circumpolar Council - ICC-Kalaallit Nunaat.
- 8) Ilisimatusarfik.
- 9) Kalaallit Nunaanni Aalisartut Piniartullu Kattuffiat – KNAPK.
- 10) Kalaallit Nunaanni Naligiissitaanissamut Siunnersuisoqatigiit.
- 11) Sulinermik Inuussutissarsiateqartut Kattuffiat – SIK.
- 12) Transparency Greenland.
- 13) Sorlak.
- 14) Kattuffik Utoqqaat Nipaat.
- 15) Meeqqat Illersuisuat – Meeqqat Inuuusuttullu Oqaloqatiginnittarfiat – MIO.

Imm. 3. Pisortani oqartussaasut uku tamarmik Inuit Pisinnaatitaaffinut Kalaallit Nunaata Siunnersuisoqatigiivinut ilaasortassamik toqqaasinnaapput:

- 1) Ilaqtariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik – IKINN.
- 2) Kalaallit Nunaanni Kommunit Kattuffiat – KANUKOKA.
- 3) Inatsisartut Ombudsmandiat.

Imm. 4. Institut for Menneskerettigheder – Danmarks Nationale Menneskerettighedsinstitution siunnersuisoqatigiit ataatsimiinnerinut taasisinnaatitaanani peqataasassaaq.

Imm. 5. Inuit Pisinnaatitaaffinut Kalaallit Nunaata Siunnersuisoqatigiivinut ilaasortat ukiunut marlunnut toqqaqartassapput.

Imm. 6. Siunnersuisoqatigiinnut ilaasortaq ilaasortaaginnarnissaminut pisinnaajunnaarpat soqutigisaqaqatigiiffik ilaasortamik toqqaasimasoq, takukkit imm. 2 aamma 3, piffissap sinneranut ilaasortassamik nutaamik toqqaasinnaavoq.

Aqunneqarnerat

§ 4. Inuit Pisinnaatitaaffiinut Kalaallit Nunaata Siunnersuisoqatigiivi siunnersuisoqatigiit ilaasortaasa akornanni siulittaasussaminnik aamma siulittaasup tullissaanik nammineerlutik qinersissapput.

Imm. 2. Inuit Pisinnaatitaaffiinut Kalaallit Nunaata Siunnersuisoqatigiivisa sulinerminnut suleriaasissat aalajangersassavaat.

Imm. 3. Ikinnerpaamik ukiumut marloriarluni ataatsimiittooqartassaaq.

Imm. 4. Inuit Pisinnaatitaaffiinut Kalaallit Nunaata Siunnersuisoqatigiivinut ilaasortat inuiaqatigiinni inuinnaat soqutigisaqaqatigiiffinnut pisortallu suliffeqarfiiinut, takuuk § 3, imm. 2, sinniisuuusut siulittaasutut aamma siulittaasup tulliatut atuuffinnut taasisinnaatitaapput qinigaasinnaatitaallutillu aamma Institut for Menneskerettigheder-ip siulersuisuinut ilaasortaasinnaatitaallutik.

Imm. 5. Ilaasortat § 3, imm. 3 malillugu toqqakkat alaatsinaatsullu siunnersuisoqatigiit ataatsimiinnerini peqataasartut, taasisinnaatitaanatillu qinigaasinnaatitaanngillat.

Imm. 6. Inuit Pisinnaatitaaffiinut Kalaallit Nunaata Siunnersuisoqatigiivi aalajangiisinjaapput soqutigisaqaqatigiiffit oqartussallu il.il. allat siunnersuisoqatigit ataatsimiinnerinut alaatsinaatsutut peqataasinnaasut.

Imm. 7. Inuit Pisinnaatitaaffiinut Kalaallit Nunaata Siunnersuisoqatigiivi ataatsimiinnerit tamanut ammasuunissaanik aalajangiisinjaapput.

Allattoqarfik

§ 5. Nunanut Allanut Pisortaqarfik Inuit Pisinnaatitaaffiinut Kalaallit Nunaata Siunnersuisoqatigiivinut allattoqarfiussaq. Allattoqarfik allaffissornikkut aqutsisuussaaq aamma suliamut tunngasunik siunnersuisoqatigiinnut ikuuttassalluni.

Kapitali 4

Aningaasalersugaanerat

§ 6. Inuit Pisinnaatitaaffiinut Kalaallit Nunaata Siunnersuisoqatigiivi Nunap Karsianit tapiissuteqarnikkut aningaasalersugaassapput.

Imm 2. Nunap Karsianit tapiissuteqartarnikkut pingaartumik siunertaavooq ataatsimiinnerit, taamatuttaaq ataatsimiinnernut atatillugu init, oqalutseqarnerup nerisaqarnerullu kiisalu paassisutissiarnermut ilinniartitsinermullu atortunut aningaasartuutaajunnartut aningaasalersugaanissaat.

§ 7. Inuit Pisinnaatitaaffiinut Kalaallit Nunaata Siunnersuisoqatigiivinut ilaasortat siunnersuisoqatigiit ataatsimiinnerinut peqataajartorlutik najukkaminnit aallartariaqartut, Naalakkersuisunut il.il. ilaasortat aningaasarsiaqartitaanererat il.il. pillugit Inatsisartut inatsisaanni Inatsisartunut ilaasortaanngitsunut aningaasarsiat tapisiallu pillugit malittarisassat malillugit ullormusiaqassapput angalanermullu aningaasartuutinut taarsiivigineqarlutik. Tamakku aningaasartuutigineqartassapput Nunap Karsianit ukuumoortumik tapiissutit iluanni.

Kapitali 5

Atuutilerfia

§ 8. Inatsisartut inatsisaat manna ulloq 1. januar 2013-imi atuutileroq.

Imm. 2. § 2, imm. 2-mi aalajangersagaq Naalakkersuisut tamakku pillugit nalunaarummik saqqummiussineranni atuutilertassaaq.

Imm. 3. Inuit Pisinnaatitaaffiinut Kalaallit Nunaata Siunnersuisoqatigiivi 1. juli 2017-mi nalunaarusiussaaq, tassani Siunnersuisoqatigiit taakkulu sulinerat allatut aaqqissuussinnaanera siunertaralugu Siunnersuisoqatigiit ingerlanneqarnerat siunertaalu nalilorsorneqarluni. Tamatuma kingorna Siunnersuisoqatigiit ukiut marlukkaarlugit nutaamik nalunaarusiortassapput.

Imm. 4. Imm. 3-mi taaneqartut nalunaarusiat suliarineqariiginnartulu Inatsisartuni ilaasortanut agguanneqarnissaa siunertaralugu nalunaarusiat Inatsisartunut tunniunneqassapput.

Kalaallit Nunaanni Namminersorlutik Oqartussat, ulloq 3. december 2012

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut